

Patriarchatus Constantinopolitani. 245

GABALA eidem Notitiæ. *Polycarpus* Gabalorum Episcopus subscripsit Conc. Chalced. & eidem epistolæ Synodali.

HERACLEA Ptol. vbi suprâ. *Ioannes* Episcopus Heraclidis subscripsit epist. Synod. huius prouinciæ.

AREOPOLIS eidem epistolæ Synod. cui *Rufinus* huius Episcopus subscripsit: sed fortè legendum Aureliopolis vt in Notitia Græca, cum *Theodorus* Aureliopolis Lydiæ subscripserit Conc. Constantinop. generali sexto.

HELLENE Epistolæ Synodali huius prouinciæ, cui *Anatolius* Hellenorum Episcopus subscripsit.

Præter dictos Antistites, leguntur *Heraclidianus* Senus, & *Marcus* Standidanus Episcopi, qui epistolæ Synodali huius prouinciæ ad Leonem subscripserunt, sed à quibus ciuitatibus vix conijci potest nisi dicas Heraclidianum Senorum legi pro Settorum vrbe Lydiæ.

P R O V I N C I A C A R I Æ.

APHRODISIAS Ptolem. lib. 5. cap. 2. antiqua Metropolis Cariæ libro Conciliorum, vulgò *Apodisia*. Ex eius Episcopis *Ammonius* subscripsit Conc. Nicæno primo, *Cyrus* Ephesino, & *Critonianus*, qui dicitur Aphrodisiadis Metrop. Cariæ, Chalcedonenſi.

STAVROPOLIS Notitiæ antiquæ Græcæ Cariæ Metropolis, eadem multis ac Tauropolis, quæ Stephano vrbs Cariæ est, vulgò *S. Croce* dicitur Italis. Sed ante *Stronium* Stauropolis Metropolis Episcopum, qui Concilio Constantinopol. generali VI subscripsit, non legi.

CYBIRA vrbs Cariæ eidem Notitiæ. *Leodius* Cybiritanus Cariæ Conc. Nicæno subscripsit.

HERACLEA SALBACI Notitiæ eidem & Ptol. vbi suprâ. *Menander* huius Episcopus subscripsit Concilio Chalcedonenſi.

APOLLONIAS eidem Notitiæ & Ptolem. ibid. *Tynchanus* Apolloniadis Cariæ Episcopus subscripsit eidem Conc. Chalced.

HERACLEA LATMI eidem Notitiæ & Ptol. ibid. vulgò *Palatia* teste Molano. *Dionysius* huius Episcopus subscripsit Conc. Chalced.

TABÆ vrbs Cariæ eid. Not. Stephano in Lydia est. *Rufinus* Taborū Episcopus subscripsit Conc. Ephesino, necnō *Seuerus* Synodo quintæ generali.

ANTIOCHIA Mæandri eidem Notitiæ & Ptolem. ibidem. *Eusebius* Conc. Nicæno primo subscripsit, & *Dionysius* Antiochiæ Cariæ Chalcedon.

HARPASA eidem Notitiæ & Ptol. ibid. *Phanias* Harpasorum Episcopus subscripsit Conc. Ephesino.

NEAPOLIS eidem Notitiæ & Ptolem. ibid. *Bassonas* Neapolis in Caria Episcopus subscripsit Concilio Chalcedonenſi.

ORTHOSIAS eidem Notit. & Ptol. ibid. *Diogenes* Orthosia Cariæ Episcopus subscripsit eidem Concilio.

ALABANDA eidem Notitiæ & Ptol. ib. *Eblebanda* hodie dicitur Turcis, teste Leunclauio. *Theodoriti* huius Episcopi subscriptio legitur in eodem Concilio.

STRATONICE eidem Notitiæ & Ptol. ibid. *Eupithius* Stratonicæ Cariæ Episcopus subscripsit Conc. Chalced.